

*Alþingi*  
*Erindi nr. P 133/1038*  
*komudagur 19.2.2007*

**Vísindanefnd**  
**Vísinda- og tækniráðs**

Nefndasvið Alþingis  
Austurstræti 8-10,  
150 Reykjavík

Reykjavík, 16. febrúar 2007

**Umsögn vísindanefndar Vísinda- og tækniráðs um frumvarp til laga um sameiningu Kennaraháskóla Íslands og Háskóla Íslands, þskj. 519, 431. mál**

Á fundi vísindanefndar þann 7. febrúar 2007 var ofangreint mál tekið til umfjöllunar.

Í stefnu Vísinda- og tækniráðs frá júní 2006 kemur fram í 4. kafla um „Menntun í fremstu röð“, þar sem m.a. er fjallað um betri skóla og eflingu háskóla – kröfur um gæði náms og rannsóknna, að menntastefna er í veigamiklum atriðum í senn atvinnustefna.

Vísindanefnd telur að þau meginmarkmið sem fram koma með sameiningu skólanna styðji við þá stefnu sem fram kemur í stefnu ráðsins. Sameining skólanna gefur ef vel tekst til möguleika á að skapa sterka heild og veitir tækifæri til að efla sérstöðu og sérhæfingu. Nefndin telur að sameiningin geti orðið mikið framfaraspor sem muni efla og bæta kennaramenntun í landinu og koma á meiri samfellu í kennslu allra skólastiga. Einnig muni skipting sameinaðs háskóla í sérstaka fagskóla skapa tækifæri til að ná þeim markmiðum sem sett eru fram í stefnu Vísinda- og tækniráðs.

Loks telur Vísindanefnd að sameiningin muni styrkja kennslu og rannsóknir í uppeldis- og menntunarfræðum og tryggi fjölbreyttara og sveigjanlegra námsframboð í grunn- og framhaldsnámi.

F.h. vísindanefndar  
Vísinda- og tækniráðs



Edda Lilja Sveinsdóttir  
ritari vísindanefndar